



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 28 FULAN-ABRÍL TINAN 2015

KOMUNIKADU IMPRENSA

Sorumutuk Konsellu Ministrus nian iha loron 28 fulan-abríl tinan 2015

Konsellu Ministrus hala'o sorumutuk iha tersa ne'e, loron 28 fulan-abríl tinan 2015, iha sala sorumutuk Konsellu Ministrus nian, iha Palásiu Governu, iha Dili, no aprova ona diploma ualu no analiza mós apresentasaun ida:

1. Proposta Lei kona-ba Kombate hasoru tráfikú droga nian

Proposta Lei ida kona-ba tema ida ne'e hetan ona aprovasaun husi Governu Konstitusinál V, iha sorumutuk Konsellu Ministrus nian iha loron 2 fulan-setembru tinan 2014, no haruka ona ba Parlamentu Nasionál atu halo diskusaun no votasaun. Ho simu pose husi Governu foun, no tanba Parlamentu Nasionál seidauk halo votasaun ba diploma ne'e, tuir Konstituisaun, Governu VI tenke halo aprovasaun ba proposta foun ida kona-ba Proposta Lei ida ne'e.

Diploma ida ne'e iha objetivu boot sira maka hanesan: estabese rejime jurídiku kona-ba kombate hasoru tráfikú droga nian, hodi impoin medida hirak ne'ebé adekua kona-ba kontrolu no fiskalizaun ba tráfikú droga nian, hadau husi ema sira ne'ebé dedika an ba tráfikú droga nian produ tu hirak ne'ebé maihusi sira-nia atividade kriminoza, no determina adosaun medida multidixiplinár sira kona-ba oinsá halo tratamentu no rekuperasaun sosiál ba ema sira ne'ebé dependente ba droga.

2. Proposta Lei kona-ba Kombate hasoru tráfikú ema nian

Proposta lei ida ne'e estabese medida sira ne'ebé atu uza ba prevensaun, kombate tráfikú ema nian no mós ba protesau no assisténsia ba ema sira ne'ebé sai hanesan vítima husi hahalok sira ne'e.

Reforsa mós kompromisu importante ne'ebé Governu VI asume iha luta hasoru tráfikú ema nian, ne'ebé ninia fundamentu dahuluk hatuur iha prinsipiu respeitu ba dignidade ema nian, prinsipiu ne'ebé sai



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

hanesan estrutura Estado Direitu nian, no mós prinsípiu igualdade, direitu ba moris, ba liberdade, ba seguransa no ba integridade pesoál nian, ne'ebé define iha Konstituisaun Repúblika.

Hola mós atensaun ba opsaun jurídiko-kriminál sira kona-ba tráfico ema nian ne'ebé temi iha kódigo penál, ba ida ne'e mosu proposta alterasaun nian balun atu nune'e bele la'o tuir obrigaun internasionál hirak ne'ebé Estado assume iha matéria combate hasoru tráfico ema nian.

Aleinde medida balun kona-ba prevensaun kontra tráfico ema nian no kontra forma explorasaun nian hotu-hotu ne'ebé iha relasaun ho tráfico ema nian, diploma ida ne'e konvoka abordajen integrada ida ba iha combate kriminalidade ida ne'e nian, ne'ebé konsentra liu ba iha setór importante sira hanesan seguransa, justisa, relasaun esterna sira, kooperasaun no solidariedade sosiál, no mós iha kriaun mekanizmu espezial sira kona-ba diálogo ho autoridade pública sira seluk no sociedade sivil, tantu iha domínio prevensaun no combate, nune'e mós iha prestasaun apoiu no assisténsia ba ninia vítima sira.

3. Proposta Lei kona-ba Kriaun Orden Advogadu Timor-Leste nian sira

Diploma ida ne'e kria Orden Advogadu Timor-Leste nian sira no aprova regra lubuk ida hodi determina ezersísiu advokasia nian, hodi halo enkuadramentu ba advogadu sira hanesan parseiru fundamentál iha desenvolvimentu sistema asesu ba direitu no justisa.

Tuir lei ida ne'e, Orden Advogadu Timor-Leste nian sira sei tama ba iha administrasaun autónoma Estado nian no hanesan ema kolektiva ho direitu públiku, sei halibur hamutuk hanesan asosiasaun pública ida, ba ida ne'e Estado transfere poder autoridade nian sira, ne'ebé uluk pertense ba nia, hodi rekoñese, maske la temi sai momoos, katak interese públiku nian di'ak liu partikular sira ne'ebé iha interese maka hala'o, liuhusi órgaun sira, liuliu órgaun dixiplinár sira, ne'ebé nia rasik maka hili, tuir prinsípiu no regra demokrátika sira.

Ho vijénsia diploma ida ne'e nian, hein katak bele kontribui, ho forma desiziva, hodi hadi'a duni situaun atuál iha Setór Justisa nian, nune'e kontribui mós ba konxensializasaun no konfiansa ida boot liután husi sidadaun hotu ba sistema justisa nian rasik.

4. Dekretu-Lei ne'ebé aprova Orgánika Ministériu Saúde nian

Ministériu Saúde, tuir Orgánika Governu Konstitusionál VI, mak órgaun sentrá Governu nian nu'udar responsável ba konsepsaun, ezekusaun, koordenaun no avaliasaun kona-ba política, ne'ebé Konsellu Ministrus define no aprova ba área saúde no atividade farmaséutika nian sira.

Diploma ida ne'e ninia objetivu mak atu neutraliza alterasaun sira ne'ebé introdús iha estrutura Governu nian no atuhodi hadi'a estrutura Ministériu ne'e rasik no ba iha nia funsionamentu atubele hatán di'ak liu ba dezafiu hirak ne'ebé mak setór ne'e hasoru, laós de'it iha nível melloria prestasaun pública saúde nian



sira, maibé mós ba-ihá kriasaun kondisaun legál no institusionál sira, iha envolvimentu ida boot liu ba setór privadu sira.

5. Dekretu-Lei ne'ebé aprova halakon Servisu Autónomu Medikamentu no Ekipamentu Saúde, E.P. (SAMES)

Dekretu-Lei ida ne'e halakon Servisu Autónomu Medikamentu no Ekipamentu Saúde, Empreza Públika (SAMES, E.P.) nian no nomeia komisaun likidatária ne'e rasik.

SAMES, E.P., harii iha tinan tinan sanulu liubá, maibé hatudu difikuldade barak atu kumpri ninia knaar hanesan empreza públika, laós de'it iha relasaun ho entidade sira Servisu Nasionál Saúde nian maibé mós iha relasaun ho entidade sira Sistema Nasionál Saúde nian tomak.

6. Dekretu-Lei ne'ebé aprova kriasaun Servisu Autónomu Medikamentu no Ekipamentu sira Saúde, I.P. (SAMES)

Dekretu-Lei ida ne'e kria no aprova Estatutu Servisu Autónomu Medikamentu no Ekipamentu Saúde nian, ho natureza institutu públiku, ne'ebé hetan personalidade jurídika ho autonomia administrativa, finanseira no patrimoniál, ne'ebé funsiona iha Ministériu Saúde ninia tutela no superintendénsia.

Servisu ida ne'e ninia responsabilidade mak asegura aprovizionamentu no lojístika ba produktu farmaséutiku sira no ekipamentu médiku ba Servisu Nasionál Saúde nian.

7. Rezolusaun Governu nian ne'ebé aprova hodi fó rai ba Santa Sé

Diploma ne'e transmite, ba Santa Sé, direitu ba rai besik igreja Motaél, iha Dili, no revoga Rezolusaun Governu nian ne'ebé dehan atu atribui rai ne'e ba Nunsiatura.

8. Rezolusaun Governu nian ne'ebé aprova tulun finanseiru ba vítima rai-nakadoko nian iha Nepál

Konsellu Ministrus aprova ona doasaun ida ho montante USD \$500.000 (dolar amerikanu rihun atus-lima) atu tulun vítima sira husi rai-nakadoko ne'ebé mak akontese iha Nepál iha semana liubá nia rohan, ne'ebé halo ema besik rihun tolu resin maka mate, no ema barak maka lakon sira-nia hela-fatin no presiza hetan lalais asisténsia umanitária, no seidak bele hatene loloos kona-ba sasán sira ne'ebé aat.

Konsellu Ministrus hatudu mós nia laran-triste ba situasaun ne'ebé mak povu Nepál nian hasoru.

Konsellu Ministrus analiza ona:



1. Apresentasaun proposta kona-ba atividade sira ba selebrasaun loron feriadu nasionál nian sira no tinan 500 afirmasaun Timoroan sira nia identidade foun

Ministru Administrasaun Estatál, reprezenta Komisaun Organizadora ba komemorasaun sira ne'ebé sei hala'o iha tinan ida ne'e nia laran, apresenta ona ba Konsellu Ministrus pontu situasaun kona-ba preparativu sira ne'ebé mak la'o hela. Hato'o proposta atu harii grupu servisu nian sira atu aseguara objetivu hirak ne'ebé propoin ona ba komemorasaun hirak ne'ebé mak sei hala'o iha nasaun laran tomak, iha loron sira ne'ebé importante no signifikativu tebes ba Nasaun, ho pontu aas liu ba loron 28 fulan-novembru, Loron Proklamasaun Independénsia nian, ne'ebé sei hala'o iha Oekusi Ambenu, ne'ebé koinside ho selebrasaun tinan 500 navegadór portugés sira to'o iha Lifau, Oekusi Ambenu.

